

Bengkel Pengucapan Awam dan Pengacaraan

Majlis cungkil bakat terpendam mahasiswa

UB 6.5.2017 B6

KOTA KINABALU: Bengkel Pengucapan Awam dan Pengacaraan Majlis menjadi medan mahasiswa Kolej Kediaman E, Universiti Malaysia Sabah (UMS) mengetengahkan bakat terpendam dalam diri masing-masing.

Bertempat di Dewan Kuliah Pusat 2 UMS, ia merupakan anjuran Jawatankuasa Kebajikan Mahasiswa (Jakmas) melalui Exco Kepimpinan kolej itu.

Menurut kenyataan yang dikeluarkan oleh Jakmas kolej itu, bengkel itu dalam masa yang sama bertujuan memupuk keberanian untuk berucap di khalayak ramai di samping mencari bakal pelapis dalam bidang pengacaraan.

Bengkel selama sehari itu dikendalikan pengacara yang berpengalaman luas di dalam dan luar UMS, Mohammad Norazmi Haris.

Selain perkongsian

pengalaman dari penceramah, para peserta turut diminta tampil bagi mempraktikkan segala yang diajar semasa bengkel.

Majlis kemuncak menyaksikan kesemua 50 peserta menerima sijil penyertaan sebagai tanda pengiktirafan.

PARA peserta mengambil gambar kenangan bersama penceramah Mohammad Norazmi.

